

癸卯夜流星入井宿

甲辰宥南京刑部右侍郎王恕范理大理寺左少卿金紳等
罪以葉盛毛弘勘上也

乙巳召守備古北口都督僉事昌英兵三千人還京

丁未遷韓府襄陵王于鳳翔慶府真寧王于慶陽

始賜田州土知府岑鏞誥命鏞擊賊立功

戊申琉球國中山王尚德入貢

庚戌遼府益陽王豪璣薨年三十二謚懿簡與志且裕
行聖公孔宏緒有罪命械入京大學士彭時以聖裔乞免械

竟就訊從之


王世貞曰欲尊孔子則莫若尊其道而行其事言欲厚孔
子則莫若若教之令其爵者甘鮮肥而自比于纓弁其他
偷飽煖依紉袴者屢也夫使貪縱放僻敗倫亂紀之人
而稱孔子徒乳臭之人鮮衣怒馬而後孔子而曰尊之厚
之嗚呼不亦然哉

辛亥災傷止各巡撫入京議事

癸丑英廟德妃魏氏薨年四十四謚恭莊端惠妃性柔和

六宮敬仰生徽王

國權 成化五年



甲寅進士張蕙李顯為翰林檢討侍吉王

乙卯夜南京大雨雷震山川壇殿吻

閏二月己未雨霾黃塵四塞

夜月犯昴宿

庚申大理寺左評事申安言旌異官失實如紹興知府吉惠先以上虞知縣旌今貪酷百狀自今必三年考滿後訪寔仍行連坐法從之
癸亥延綏游擊將軍署都督僉事許寧以下掠康家岔追出塞敗之

夜月犯積薪及木星

甲子前南京左都御史石璞卒璞字仲玉臨漳人貢士授御史宣宗征漢庶人擢江西按察使振綱決獄雖婦孺知名進山西左布政使偵王振祭蔚州墓曲事之進工部尚書討浙寇加兼大理寺卿景泰中進太子太保改兼兵部尚書巡撫湖廣天順初罷庚辰起南臺老荒繆濫始終如二人焉
逆盜苗老潭伏誅


夜月犯軒轅御女星

丁卯兩廣從征土達留駐送其家口不願者聽還

國權

成化五年

七



已巳興化知府岳正致仕

袁袞曰季方之遇

英皇猶馬周之遇唐宗也一旦拔起

遂秉中軸言行若流亦奇遇矣然竟以剛直不能容其身

始忤曹石終擯李賢遠戍窮邊出知外郡卒坎壈以死天

曹石不足言矣而文達乃若是耶世多訛文達不能容羅

倫岳正噫豈未讀秦誓之書耶

戊寅成安伯郭昂卒

已卯日色變白土霾四塞

南京考察仍舊章綸高明置不問

庚辰定南京諸司錄囚議事坐次闕門文武分班前後坐闕

門直廬正卿上坐亞卿副僉院下坐五品小京卿在列六科

右列

癸未夜瓊山雨雹大如斗

三月戊子陝西報達下潛入河套

辛卯北下幹失帖木兒部下作亂其黨拜亦撒哈平章等走

牧哈密命嚴邊備


戊戌滿刺加國王滿速沙克入貢

南京刑部左侍郎王恕憂去

國權

成化五年

八



己亥廷策貢士費閻等二百四十八人賜張昇丁溥董越等進士及第出身有差

癸卯行聖公孔弘緒有罪奪爵淫樂婦四十餘人殺無辜四人宜辟特宥之
五色雲見

甲辰總督南京糧儲右都御史周瑄為南京刑部尚書南京戶部尚書陳翼代瑄總督

戊申旌福建按察副使錢璉山東布政使左叅議江玘衢州知府王高德安知府周鐸俱賜勅誥

己酉忻王冠


庚戌錄平滿俊功王銳馬文升俱進左副都御史都督同知白玉署右都督署都督僉事林盛魯鑑俱都督僉事鑑仍署都督同知餘各陞賞楊虎狸授固原衛指揮虎狸一名虎力辛亥選庶吉士張璉費閻陳斌蕭璵梁澤尹龍馮蘭喬維翰陳紀張晟李介王臣尹仁王錦徐謙方珪謝顯吳祚翰林侍讀學士陳鑑侍講學士邱濬教習

四月甲寅朔巡撫永平贊理軍務右僉都御史閻本兼巡撫真定保定河間仍提督倉場屯糧

國權

成化五年

九



乙卯復故太子少保戶部尚書兼翰林學士蕭鎡官賜祭
戊午械正一嗣教大真人張元吉下刑部獄元吉凶暴貪淫
強奪子女掠殺四十餘人論磔市待決妻吳氏草玄君號擇
蔭其族有妄稱符籙者罪之刑部尚書陸瑜以張氏虛誕欲
奪封廢毀府第草管勾都目諸人竟寢

史臣曰張氏之禍起于符籙禁之誠是非但正元吉之罪
寔杜後來惑世起亂之端惜當時失于執論不能絕其根
源其徒奉行自若也

庚申故國子祭酒李時勉贈禮部右侍郎改謚忠文


先謚文毅孫

顯奏以曹鼐制乞故謚

甲子工部右侍郎黎叔林子世榮廕中書舍人叔林父澄安
南季犛子倬至善製神槍官終工部尚書叔林仍其業

乙丑御用監左監丞龍閏娶南和伯方瑛妾許氏為妻命離
異付司禮治罪

丙寅兵部右侍郎王偉卒于濟寧偉字世英攸縣人從成宣
府年十四 宣廟北巡上安邊誦令補保安州學士正統丙
辰進士館選授戶部主事己巳攝御史募兵守廣平進職方
郎中文符填委能立應少保于謙任之擢右侍郎巡陽和斬



奸謀小曰見邊患稍息穎敏練事頗任智數嘗密言于謙短
謙聞之曰王世英寧憂不吾代乃汲汲為天順初免官成化
三年補官坐事由勤政務中專將權初石亨誣于謙等黨逆
榜天下預焉至是特追所榜年五十三賜祭葬
庚午卜寇大同

丙子夜大星自天津流室宿

丁丑毛銳嗣伏羗伯 毛忠子

辛巳 皇子佑極生賢妃柏氏出

五月甲申傳制封奇瀝襄陰王同鐵原武王偕瀟彰化王膺錕

克城王

乙酉吏部尚書崔恭憂去

丙戌覆留察典知州余靖等三百三十五人巡檢聶再昌等

九十一人再昌等初叛斥累奏故侍郎尹旻等上書覆考

辛卯吏部右侍郎尹旻為左侍郎禮部右侍郎葉盛改吏部

右副都御史原傑為戶部左侍郎陳宜兵部右侍郎左布政


使翁世資秦敬為右副都御史巡撫山東青州

翰林侍讀學士劉吉為禮部右侍郎

復漢陽知府孔公恂為南京少詹事

國權 成化五年

十一



丁酉錄平兩廣盜功賞太監陳瑄王定都御史韓雍等
已亥申明大理寺叅問刑官舊制

辛丑禮部左侍郎萬安兼翰林學士直內閣

故大學士王文子戶部主事宗彞乞諭祭予之

故右僉都御史楊信民謚忠惠

甘肅總兵官定西侯蔣琬報瓦刺酋拜亦撒哈以四百人屯

哈密令哈密覘哈密覘我約寇赤斤肅州

壬寅成山伯王琮卒

癸卯祠元臣賽典赤于雲南

甲辰前軍都督僉事常榮卒濮州人世大興左衛指揮使

丁未保定後衛帶俸都指揮使馮昇為前府都督僉事

西域速魯檀阿力王入貢


六月癸丑朔日食

甲寅謫寧遠伯任壽廣義伯吳琮右副都御史陳价成邊都
指揮劉清指揮馮傑棄市

乙卯定王府謚寶冊皆掌喪官順賚餘下所司指揮

故南京刑部尚書耿九疇謚清惠

庚申禮部尚書姚夔改吏部尚書召南京禮部尚書鄒幹進



國子祭酒邢讓禮部左侍郎翰林侍讀學士陳鑑國子祭酒
初李秉去商輅意在夔彭時意在大理卿王傑尹旻又覲之
後用崔恭至是以夔代

南京工部左侍郎范理改南京吏部南京吏部右侍郎章綸
為南京禮部左侍郎左通政蕭彛為南京工部右侍郎南京
大理少卿夏時正為寺卿

辛酉河決開封杏花營漁者拾一卵大如人首下銳上負質
青白其文斑斕之中汨作水聲氣煖潤

癸亥封前軍左都督和勇靖安伯歲祿千一百石

甲子流盜入陽春縣

乙丑夜流星自勾陳西至天紀

戊辰戶科右給事中李森上十事正心講學親賢無逸納諫
重民恤軍用賢選將抑奢上嘉納之


己巳南京選御史一督五城捕盜

壬申脩築陝西塞堡五十餘所遏番寇

乙亥靖江王佐敬薨年六十六謚莊簡

夜山西行都司清獄十五人

丙子宣府總兵官都督同知顏彪脩築臺牆成凡十一萬四



千六百餘人

七月丙戌定四川雜谷安撫司仍三年一貢初雜谷貢由保縣以董卜韓胡宣慰司仇殺久不至

丁亥瓦刺頭目拜亦撒哈擁眾至苦峪大掠赤斤蒙古衛指揮敢班等亦率眾追至莽來川相仇殺

戊子淳安項宜求復故父吏部左侍郎文曜官許之賜祭

辛卯侯平侯張祐新寧伯譚祐南北太僕寺馬

夜流星自大陵行至雲中後三小星隨之

壬辰夜月犯南斗魁星

癸巳起復秦紘秦州知州民思其德詣闕請

已亥都督僉事湛清為副總兵同太監盧能鎮守松潘

夜大星自井宿流雲中

癸卯陝西按察僉事楊冕專撫固原

夜月犯昴宿

乙巳建州左衛故董山之子脫羅李古納哈襲都指揮同知

侄完者禿襲都指揮僉事兵部以董山逆命難之上特宥


不問

戊申四川總兵官右都督芮成巡撫都御史汪浩互訐逮入

國權

成化五年

十四



京

巳酉曉刻木星犯軒轅

廣東守珠池奉御陳彛言五月安南人數艘竊珠適黎瀨入
貢使還并勅諭之

八月甲寅四川協守叅將都督僉事宰用為左叅將鎮守威茂

疊溪

戊午翰林侍講學士邱濬憂去

廣西道御史李瑒巡視內庫言四川儀隴縣去年例輸生漆
二斤五倍子十斤直不四錢贖費且十倍今州縣課程數少

者送布政使類解從之又內庫弓矢億萬計多弓脫矢蠹積
于無用宜額減十之一二徵直不許

庚申鄒幹召至補禮部尚書

辛酉直閣禮部左侍郎兼翰林學士劉定之卒定之字主靜

永新人正統丙辰進士及第授翰林編脩進侍講景泰壬申

進洗馬丙子右庶子天順初改通政左叅議兼侍講尋改學

士成化初直閣進工部右侍郎穎敏絕人坦夷質直不事矯


飾文不屬草最稱博洽微泥古室用年六十一贈禮部尚書

謚文安

國權

成化五年

十五



甲子復故刑部尚書俞士悅官賜祭子璋疏辨

劉鳳曰人臣衛社稷死生以之春秋之義不有居者其誰與守叔武之復衛國蓋權之有焉功雖能定所以忠上者則無方與悅值勳勩曰時傳會致仕公卿其忠計或有所効之矣至同之一時用事者謂不能廷爭庸以隨世寔亦有之若彼持權則有人矣哉悅無謂也預

岷府江川王徽熾薨年五十八謚恭惠

癸酉 上復御經筵視午朝

乙亥兩廣游擊都督僉事廉忠衰疾罷都督僉事馮昇代

戊寅安南國王黎灝入貢

內使杜衡盜內庫金法司擬城旦特棄市

九月辛巳朔復解禎亮中書舍人禎亮訴父縉勤勞仍舊秩

南京翰林脩撰羅倫予告


癸未刑部郎中陳儼錄囚南畿

丁亥外戚錦衣衛帶俸指揮同知孫瓚視衛事被論仍帶俸

壬辰南京右僉都御史吳琛巡撫廣東

己亥順德人姚銘等七人渡海掠安南之永安誅于欽州

辛丑通政司右叅議王詔為工部右侍郎仍督易廠



開黃河東岸屯田七百餘頃

壬寅刑部郎中彭韶御史李琮下錦衣獄初錦衣衛指揮周或請武強武邑閑田以戶部主事戴玉會巡按御史黎福覈田皆民業履畝僅得田七十四頃或未饜改韶琮往韶不履畝但言民產不當奪上責其市名逮治田仍歸民

十月癸丑晉府臨泉王鍾鏞薨年二十九謚悼昭

甲寅占城國王槃羅茶悅入貢

乙卯代府定安王成鏘薨年三十五謚悼隱


己未入遼東平頂山執百戶詹勝

辛酉閩浙礦盜起

壬申旌雲南布政使左叅政路璧松江同知傅愷開州知州謝鳳真定推官吳麓無極知縣石倫武邑知縣楊瑋臨城知縣張佐新安知縣魏恭山東按察知事楊升賜勅誥
癸酉進士呂鍾許進何淳李芳沃類王億葉稠李敬屠浦魏富甄希賢沈浩李聰戴祐蘭澄方繡設俊行人鄭恭為試監察御史聰祐繡俊恭南京

丙子設固原衛固原千戶所增西安千戶所

四川道御史傅禹妾凌其母訴不孝謫同官知縣




已邠陝西旱飢增蘭縣中淮浙河東益八十萬引有奇
徵士吳與弼卒崇仁人父司業溥少力學不應制舉教授生
徒不專著述曰註箋繁無益天順初應聘入朝辭歸學者稱
康齋先生

何喬遠曰胡居仁陳獻章皆淵源與弼胡陳之學已著于
世而與弼尚有遺論何哉論者謂其訟曰于公及為石亨
作譜跋稱門下士而已有弟不飭而與弼計及先人之祭
束腰跽廷用部民禮以見有司猶屬質哉予讀譜跋廖
數言耳當時有震主之功巽以處之亦或當爾至其辭職

不受意殊可見陳獻章曰東海張弼公能辨千古是非人
物乃近遺吳公何耶夫吳公易知耳予游小陂聞其論學
多舉古人成法由濂洛閩關上達洙泗尊師道而勇負荷
如立千仞之壁一代人傑也王守仁檄祀與弼鄉祠吳公
方其貴近之薦固可見好德之同及夫宮爵之辭尤足驗
先幾之哲蓋宣和之疏于龜山無嫌而明堂之留在漢儒
為媿出處不至于失已學術何待夫立言

十一月甲申廣東多盜巡撫右副都御史陳濂等議分兵四哨
新興瀧水陽江新會曰左哨靈山永安曰右哨石城信宜及



雷州曰前哨德慶抵連州曰後哨每哨四千人都指揮按察
僉事統之分八班一守廉州一守高雷互援半載遞代報可

乙酉高州知府孔鏞為廣東按察副使專守高雷

丙戌封子楚封邱王鍾鈇永和王揚鑿鉅野王銓添積山王

庚寅吏部文選郎中陳雲負外郎劉恒主事王瑄陳道以吏

訐其賂下刑部獄科道劾尚書姚夔等又論刑部尚書陸瑜

朋比遂改錦衣獄已調南京雲瑄禮部恒道刑部

辛卯興安伯徐賢卒賢足疾給半祿不任事

乙未李羅部落自仇殺分而為三字羅往驪駒河哈等卜花

往西北故毛里孩子火赤兒往西又小石并脫火赤駐圪兒

海西謀寇大同脫二字來謀寇遠東于是大同叅將都指揮

范瑾為游擊將軍備延綏

設兩廣總府于梧州起服韓雍

按察僉事陶魯言兩廣事權宜歸一韓雍故事巡按御


史龔晟言開府梧州便兵部言兩廣互為唇齒廣東藉廣西之兵廣西藉廣東之儲宜如陶魯等言

復寇延綏

己亥邠府固安郡主適儀賓王憲

太憲監陳瑄總制兩廣起服韓雍進右都御史總督兩廣軍

務兼理巡撫南寧伯毛榮為征蠻將軍總兵官鎮守兩廣都



指揮夏正署都督僉事為副總兵鎮守廣西都指揮同知楊
廣為左叅將分守高雷廉肇馬良代毛榮鎮守貴州馮宗召
還巡撫都御史吳琮回院

庚子下寇榆林都指揮陳輝等迎戰焦家川總兵房能邀其
歸路合擒七人斬六級

癸卯代府博野王成鎮薨年二十八謚悼恭

南京右軍都督僉事張銳卒臨淮人世保定前衛指揮使

丁未故鎮遠府通判楊瑄子 廕入太學瑄征靖州苗陣亡
十二月辛亥英國公張懋撫寧侯朱永武清侯趙輔祭郊社禱

雪

工部左侍郎陸祥卒祥無錫人石工以技薦授營繕所丞營
造稱旨擢工部主事歷侍郎有巧思嘗鑲獻石寸許為方池
中備魚龍荇藻之類曲盡其致雖雜流以謹愿稱

丙辰汝寧武昌漢陽岳州地震

辛酉慶王秩燿薨年五十五謚曰康

甲子韓府 王範薨年四十五謚莊簡

壬申禁都門通州遠例抽稅


暫停兩京山東河南徵馬民間 是月設浙江太平縣


隸台州府

國權

成化五年

二十





甲戌兵科都給事中秦崇上六事省無益以定邊費公輪操
以便下情重名器以節糧餉工匠勇士授
官納粟軍職資長策以安邊方
恤貧民以行實惠正流俗以汰異端上納之定納粟世授
軍職止襲子孫二輩

國權

鹽官設遷孺木著

成化六年庚寅

正月壬午駐河套謀南侵勅大同總兵官楊信簡兵嚴備京

營總兵官撫寧侯朱永飭兵聽遣

甲申命山東巡撫疏濟寧泉原利漕

乙酉鎮守貴州南寧伯毛滌卒

丙戌夜流星自右旗行至建星 甘露降南郊松柏上

丁亥河南地震

國權 成化六年

己丑 上南郊署太常寺事禮部尚書李希安等奏甘露

庚寅夜月犯井宿

辛卯勅諭建州三衛既悔罪後果輸誠朝貢朕賞如初

壬辰禮部言木蘭河衛都指揮撒哈等瀆行告領段多剪

赤

幅今不能詰乞自後賞幣同通事唱名面給從之

昏刻月犯鬼宿夜流星自雲中流東南三小星隨之

丁酉夜月犯房宿

戊戌兵科給事中郭鏜言正月丁亥河南地震己丑李希安奏甘露俱下禮部尚書鄒幹等即以甘露聞心存容悅罪在

不宥 上以地震先奏置之

己亥左右都督劉玉劉聚以耀武顯武營兵聽征請補額

上謂團營選未久何缺伍也責營將置對各引咎宥之

五千餘騎犯邊彰武伯楊信與總副兵徐恕右叅將張瑛戰胡柴溝斬五十八級再戰斬十六級又追斬四十餘級

庚子遣行人祭告湖廣山川地震故


辛丑郭鏜嗣成安伯

郭昇子

夜月犯狗星

壬寅右副都御史王超巡撫大同

癸卯刑科給事中虞瑤等勘報四川巡撫都御史汪浩鎮守



右都督芮成相計事浩酷暴戾獨石衛成貪鑄級

丙午鎮守松潘副總兵都督僉事羅能効免

翰林侍讀尹直等請刪諸司職掌為大明會典倣朱熹凡例
為綱目續編從之

戊申兵部言卜脫、罕求貢自宣府野狐嶺故事北使自大
同猫兒庄朵顏三衛東自喜峰口宜遣通事諭從舊道報可

二月辛亥朔朝鮮國王李晚薨子幼且疾從子婁攝國封朝鮮

國王遣內使金興行人姜浩

庚申水災免福漳去年田租

卜寇延綏馬蓮峴左叅將都指揮錢亮敗之擒斬四十餘人

癸亥守備洮岷都指揮使王欽言番賊千餘人攻陷塞堡守

備西固城指揮使張翰等以四百人巡平定關戰敗失千戶

李盤等翰宜罪 上以新任宥不問


丙寅水災免平遙縣去年田租

丁卯故平江侯陳豫追封黔國公謚莊敏

戊辰長平江伯陳銳為征蠻將軍總兵官鎮守兩廣

己巳定四川雲南中益例

巡撫大同右副都御史王越引兵還至偏頭關勅止之留備



延綏

辛未刑部左侍郎曾鞏往浙江戶部左侍郎原傑往河南右副都御史滕昭往福建南京右僉都御史吳琛往四川南京大理寺卿夏時正往江西大理寺少卿宋旻往大名廣平各賜勅察吏安民

壬申進士徐霖張寬為翰林檢討侍忻王

甲戌魯山縣天鼓鳴

乙亥部院等官奉命各條事宜 上採行之

魯府樂陵王泰學薨年五十七謚恭惠

丁丑 上詣南郊禱雨大昏沙天地昏暗竟日始息

開封晝晦

戊寅應山縣雨

廣西盜入眉州

三月庚辰旱災免汝州去年田租

辛巳翰林編脩陳青言養德之要莫先學問 陛下雖日御


經筵勢尊易隔有疑不問有懷不盡願朝退之暇擇一二學

行儒臣便殿賜坐有疑輒問又異端害治佛子法王真人無

片善寸長尊位濫賞乞降其位號允脩建寺觀勅置于法

國權 成化六年

四



上然之弟佛子真人係舊制毋更

京師雨霾晝晦陝西寧夏大風霾

卜寇延綏攻沙海子擊至河山巡撫左副都御史王銳總兵官房能擊走之

癸未昏刻月犯金星

甲申免湖廣去年田糧二十八萬餘石山東二十九萬餘石

戊子趙府左長史雷霖改金華同知霖不樂左官嗾王辱彰

德知府邢表等遂互訐逮表霖等入京事白表調衛輝

庚寅翰林編脩陳音薦前吏部尚書李秉翰林脩撰羅倫編

脩張元禎貢士陳獻章判官王徽評事章懋不納

辛卯下萬餘騎分五道南入延綏巡撫王銳王越等令游擊

將軍許寧都指揮陳輝等追之擒十一人斬四十餘級下潰

而出


壬辰免蘇松常鎮去年田租六十三萬八千餘石

開延綏屯田

戊戌署都督僉事劉清提督草場牧馬

兵部議勦河套下時阿魯出住河套有開元王幹失帖木兒

故漢人欲降而仇阿魯出阿魯出糾字羅乃王為援



已亥葉縣知縣宋璽滿九年績最仍留任


庚子旌山西僉事胡謚保定知府章律淮安知府楊景杭州
知府張僖鳳陽同知戴耀安州趙瑛徐州知州王叙南昌通
判虞良阜城知縣林恭吳橋知縣張鐸館陶知縣唐禎安邱
謝績知縣賜勅誥

前提督邊關軍務右都御史羅通卒通字學古吉水人永樂
壬辰進士授御史上言事忤旨會交趾平遷清化知州亡何
黎利叛來攻力禦卻之後棄安南改戶部員外郎坐法免已
起兵部職方司郎中整飭甘肅兵備會淫謫東莞河泊所大
使已巳北狩上戰守策補兵部員外郎守居庸關歷副都御
史陳循薦其知兵召還叅贊昌平伯楊洪軍務至太子少保
右都御史天順初冒迎駕功通有文武才好設兵史謂其挾
詐取功名非端人然守關之功不可泯也

王世貞曰通在清化得異人授以遁甲諸書習之精重謫
南荒復延跡詭一寇居庸望烟雲草木若數萬人狀者吁
奇矣哉

辛丑夜大星自天津流至近濁

壬寅撫寧侯朱永為平一將軍總兵官都督劉聚為左右副



總兵太監傅恭顧恒監軍右副都御史王越奏贊軍務往延綏備下以京兵萬人宣大各五千人時上寇告急

癸卯夜木星留守軒轅

甲辰上寇五百餘騎渡遠河官軍禦之斬四級擒男婦三十四人

丙午襄城侯李瑾提督團營

丁未四川左布政使林鶚為南京刑部右侍郎吏科都給事中潘榮右庶子劉宣為南京太常寺少卿

免池州寧國去年田租萬八千七百餘石


四月庚戌琉球入貢

立夏未刻雷陰霾四塞

癸丑進士沈純為南京雲南道御史

丁巳命貴州諸生免屬雲南提學僉事即貴州分巡官攝之甲子水災免烏程歸安長興德清武康仁和田租六千二百餘石

乙丑定烏思藏贊善闡教闡化輔教四王三年一貢各不過百五十人由四川入國師以下不許貢長河西董卜韓明二長官司或間歲貢人不過百茂州番僧歲許三五十人其近



烏思藏者貢不過五六十人仍降勅各番王示以期額
丙寅水災免溧水溧陽句容六合江浦當塗蕪湖田租三萬
六千四百餘石

卜寇延綏安邊等堡總兵官房能等禦之擒毛里狹等二十
人榆林兵擒可帖木兒等九人
壬申前南京工部尚書兼大理寺卿王來卒來字原之慈谿
人宣德丙午貢士新建教諭擢御史巡按蘇松常鎮風望嚴
切進江西江叅政調廣東以河南左布政使進右副都御史
巡撫河南歷左都御史征湖廣苗縛其魁常同烈等遷南部


善議論臨事明達奉命宣力幹辦之良也年七十六

乙亥周府汝陽王子學冕年五十謚安憲

丙子曉刑月犯昴宿

是月山東旱

五月己卯工部右侍郎霍瑄卒瑄鳳翔人貢士授大同通判擢
知府己巳北狩卜擁英宗至城下方嚴守瑄出水竇謁
上獻服饌括金帛糲卜秩滿遷山東左叅政天順初徵拜工
部右侍郎轉左坐事乞骸質朴勤事諳悉邊略
工部右侍郎黎林卒



辛巳孔弘泰嗣衍聖公 弘緒弟

邠州知州王諫秩滿州人乞留仍任

壬午寧夏地震

甲申進王越左副都御史范瑾都督僉事許寧都指揮同知

乙酉報卜白草讚太師李羅乃王字羅丞俱東行幹失帖木

兒以四萬騎牧西北阿羅出小石王以萬騎同朵顏衛都督

羅十男 脫火赤二百騎而西

卜咳失哈伏誅先入掠賀蘭山

丁亥免雲南右衛徵江田租

戊子晉府方山王美垣薨年六十四謚莊憲

己丑山東旱災遣署太常寺事禮部尚書李希安祭告嶽鎮

海瀆

庚寅降卜把都脫卜伯俱為正千戶脫卜羅副千戶脫卜


所鎮撫俱北卜字羅乃部

辛卯禮科給事中張賓言荆襄流民與其驅于既來不若止

于未至九災傷處暫免賦稅從之

夜大星自壘壁陣流至近濁

甲午曉刻月犯斗宿下星



丙申套下寇延綏西路左都督劉玉禦之明日入掠東路右都督劉聚擊敗之

丁酉夜大星自紫微垣流至近濁

戊戌卜寇康家至劉聚追之黃草梁伏發力戰聚被創失四十六人以援解

辛丑刑部尚書陸瑜以鄉人王銓干請下錦衣獄銓訐瑜不法特杖之百戍鉄嶺衛

癸卯代府宣寧王遜炆薨年四十八謚靖莊
都督僉事李文為都督同知

甲辰罷山西佛閣以給國事中
等言建佛閣不若賑飢

勞軍 上從之

乙巳巡撫永平右僉都御史關本致仕

丙午寧夏地震

丁未復置湖廣興山縣國初轄三里宣德後省入歸州

襄陵王冲炆請率子孫從征殄套下
上報書宗室親重難

與諸將列且 祖宗來藩服不從軍王其亮之


高郵壽州合肥雨雹大如雞子

是月松潘番寇入掠副總兵都督僉事湛清等至黃盛草場

國權

成化六年

十



討渠帥麻惹兒子死斬五十餘級

六月戊申朔日食

秦府永壽王志埴薨年五十七謚安惠

乙卯陝西洵陽商縣湖廣鄖縣俱盜起

丁巳下寇雙山堡都指揮康永等六百騎赴之下大至指揮

盛銘創甚適指揮李銳來援乃退又寇青草溝游擊范瑾大

敗之

戊午周府宜陽王有焮薨年七十二謚憲穆

己未前巡撫鳳陽右副都御史陳泰卒邵武人幼曹姓永樂

癸卯貢士安慶訓導權御史潔守有才力風稜甚峻擢四川

按察使歷撫江南名尤著于蜀

癸亥鄭王祈鏐初世子時棄妃立妾妃子見滋不愛也嘗言

見滋母韓氏齷齪百歲後難與同廟見滋是我世子時子如

何嗣王聞人諫輒忿怒左長史張鐸以聞上書戒之

甲子停方面會舉仍吏部推擇著為令 夜月犯泣星

戊辰順天河間永平真定保定大水


辛未總兵官趙輔工部尚書王復太監王順脩京城九門

壬申陽信縣異雷隕石碎而三外黑中青

國權

成化六年

上



七月戊寅阿羅出犯邊平下將軍朱永擊敗之擒斬二十五人

已卯 皇子生宮人紀氏出時萬貴妃妬甚無他色上偶

御紀氏而娠妃數苦之紀氏引疾生西宮彌月廢后吳氏謹

事之乳少俄鷹爪一伏雌日取卵雜粉餌啖之上勿聞也

辛巳給事中 御史 督五城兵馬賑災民戶米各一

石死傷倍之

免淮安鳳陽廬滁田租八萬八千九百九十石

壬午楚府通山王季垺薨年六十四謚莊肅

卜數萬自雙山堡五道入寇朱永分禦都指揮孫鉞值之開

荒山方陣待永大兵至卻之指揮郭勝戰死都指揮馬儀等

繼至乃遁

乙酉 孝莊睿皇后主祔太廟

丙戌命右都御史項史吏部右侍郎 賑畿內飢右府署


都督僉事李晷撫治屯營

辰刺金星見隨入井宿

戊子常德大長公主薨嫁駙馬都尉薛桓年四十七

水災傳兩京山東河南印馬一年

命錦衣衛兵馬司捕盜



申監生撥歷則例

已丑甘肅總兵官定西侯蔣琬劾巡撫御史鄭已坐罪戍邊
已頗仇移檄總兵官且欲核其役占遂被訐因下獄

庚寅大理寺左少卿喬毅為工部右侍郎

翰林檢討張濂李顯為吉王左右長史

辛卯大星自婁宿流自至畢宿

丁酉設福建漳平縣

戊戌曉刺月犯昴宿

庚子都指揮使王壘等敗于孤山堡

辛丑山西行都司都指揮馬儀為後府帶俸都指揮僉事以

胡柴溝功

卜萬騎自雙山堡分入平卜將軍朱永等擊之擒三人斬百
有六級獲馬千六十餘匹

八月丙午朔免汾州去年田租二千五百七十石

已酉免臨洮鞏昌田租八萬一千餘石

辛亥免山西今年田租仍發粟賑飢


壬子定科甲歷任三年不限內外通選御史

癸丑水旱下詔寬恤

國權

成化六年

十三




乙卯巡按直隸御史楊守隨上六事曰明謚法郟王薨謚曰
戾者罪也乖也當北狩奉命監國為宗社計即位捍北狄
平南寇功甚大迎大駕尊南宮不為賊臣離間情甚厚未有
少愆不掩衆善乞勅議改謚曰重大臣曰脩儲蓄曰禁奸詐
曰饋餉報聞

夜大星自五丈流北河三小星隨之

庚申前太常寺卿夏景卒景字仲昭崑山人永樂進士館選
善書嘗扈從授中書舍人宣德中轉考功主事加五品俸仍
內直久之出守瑞州五載景泰初入覲遷太常少卿性坦率

樂易兼工詩繪遠夷慕其名居常好縱適不拘細行年八十
三賜祭葬

壬戌命延綏征西諸將分兵就餉游擊將軍范瑾以大同三
千五百人屯東路神木等堡許寧以宣府兵三千五百人屯
兵各還黃河七堡花馬池甘涼莊浪兵留環慶右都督白玉
兵還陝西大同前衛指揮同知蔡瑄署指揮僉事山西都
指揮王壘寧夏都指揮張翊俱游擊將軍瑄援延綏壘防黃
西路龍州龍州等堡餘三千人屯中路山西寧夏副總
河七堡翊旁花馬池延綏總兵官房能疾罷



癸亥右軍都督僉事廉忠卒山後人世金吾左衛千戶

甲子都指揮同知許寧為靖下將軍署都指揮僉事總兵官
鎮守延綏

丙寅巡按雲南御史郭瑞以鎮守太監張能才今召歸乞留
任能特寵罔利滇人苦之瑞附勢無耻乃爾

丁卯巡撫蘇松常鎮右僉都御史邢宥致仕

己巳高雷地震有聲夜月犯天罇星

癸酉巡視浙江刑部左侍郎曾暈奏罷部史左布政使已縣
張清預焉清最廉峻非賓祭不味同官弗堪詆以老疾

占城國王槃羅茶全攻安南化州安南國王黎灝自救之占

城退走進克占城執茶全以歸

甲戌把總指揮陳雲敗于酸刺海子

九月丙子朔曉刻金星犯軒轅左星

庚辰右副都御史滕昭巡撫蘇松常鎮總理糧儲


壬午秀王見澍之國

甲申總督漕運署都督僉事楊茂為都督同知

夜大星自井宿流至柳宿

乙酉南京兵部尚書李賓為左都御史

國權 成化六年



丙戌右僉都御史袁愷服除起南京鴻臚寺卿

丁亥雲南土官襲職近令監司保勘黔國公沐琮言非舊制從之命如正統例仍歸沐氏

戊子兵部尚書兼大理寺卿程信改南京

朱永調總兵許寧游擊將軍孫鉞等按伏平夷波羅等堡遇被圍援至乃退遁斬七十二級我死亡四百七十六人傷

六百五十九人

甲子夜金星犯左執法

乙亥金星犯木星

發倉粟五十萬石平糶尚書薛遠戶部侍郎陳俊太監常斌總其事科道分理

庚子曉刻金星犯左執法

十月丙午北_下孛忽等貢馬

夜大星自昴宿流井宿

丁未斷藤峽賊夜入神電衛燬電白縣

宥張元吉死成肅州刑部科都給事中毛弘言元吉罪重

不納


巳酉留朱永王越仍督西軍

旱災免河南夏稅三十七萬七千七百二十九石有奇屯糧

國權

成化六年

十六



八萬六百四十餘石有奇

乙卯山東博興知縣陳文偉上言荆襄流民治之不必屯戍
弟南漳竹山遠安房縣等縣選良吏招流民便宜處置俟效
成超擢章下戶部

已未免濟南東昌兗青田租二十八萬九千七百七十九石
有奇

庚申夜月犯昴宿

辛酉放監生五十餘人歸省 京師未貴

水災免真定田租五萬一千四百八十四石有奇

進士王瑞徐與憲黃麟李謙張以弘李蕙趙良為給事中

癸亥太僕寺卿沈瑤卒山陽人進士守官廉慎

辛未兵部右侍郎陳宜提督山西偏頭寧武等關

太常寺卿吳節致仕

十一月丁丑高州地震有聲

戊寅 英廟順妃樊氏薨謚恭和安靜


癸未右都御史項忠總督河南湖廣荆襄軍務

甲戌中軍都督同知武忠卒先女直人世錦衣百戶善射嘗

使朝鮮射飛鴈命中

國權 成化六年

七



丁亥四川按察使鄭紀掠治寧府橫卒斃三人蜀王怒誣其
端禮門不下車逮下獄會赦免

辛卯巡視河南戶部侍郎原傑代項忠賑飢順天永平河間

甲午復設河南浙川縣

卜酋孛羅渡河入套與阿羅出合

丁酉南京禮部侍郎章綸奏留臣鄉温州知府范奎下吏部

己亥江浦縣大火飛焚江淮衛馬船

庚子忻府翰林檢討襄陽張寬數論處置流民項忠薦之南

十二月丙午西域鎖魯檀阿力王貢馬

己酉武清侯趙輔禱雪山川壇

庚戌命遣戶部郎中桂茂芝往霸州文安大城保定刑部郎

中袁潔往香河三河寶坻工部員外郎秦民悅往永清固安

安大理寺右寺正薛璘往通州武清灤縣御史梁昉往涿


州東良鄉房山周源往大興宛平順義昌平戶部郎中謝瑤

往靜海興濟青兵部員外郎張謹往滄州南皮慶雲鹽山寧

津禮部員外郎曹隆往景州吳橋東光阜城交河大理左寺

正劉翰往河間任邱肅寧獻吏部員外郎王壘往冀深晉

南宮新宮武邑衡永饒陽武強安平刑部主事邢謹往趙定



真定灤城寧晉柏鄉隆平新樂刑部郎中謝廉往安州高陽
新安容城新城雄縣戶部主事李雄往定興安肅博野慶都
清苑蠡各賑飢民

癸丑給京師流民還鄉

復故少保

戶部尚書兼華蓋殿大學士陳

循官循前卒子珊疏請許之

丙辰遣禮部侍郎邢讓祭恒山太常寺卿萬祺祭醫無閭山
戊午傳陞尚寶司少卿汪景昂任道遜

庚申鎮守貴州前軍都督同知馬良卒館陶人世金吾左衛
指揮使良溫美幼侍 英宗故被寵天順天扈從嘗中道馳

午門後喪婦隨娶

英宗聞謂其情薄自是寵哀不復召


辛酉免順天河間真定保定歲辦石青等物料

癸亥順天府尹閻鐸失賑被劾降衢州知府

禦套功撫寧侯朱永世襲劉聚進左都督王越進右都御
史秦剛房能賞金幣范瑾都督同知神英都督僉事

鴻臚寺卿周顥卒安陽人永樂癸卯貢士歷趙城教諭河間
教授進國子助教正統己巳擢御史天順初山西右叅議辛
巳子璟尚重慶公主進鴻臚卿性素和厚子貴不改其度

丙寅陝西右布政使李裕為順天府尹



庚午戶科都給事中邱宏等言近來風俗尚侈毋論貴賤服飾驟用織金寶石飲宴皆簇盤糖纏上下倣效習以成風京民屠宗順等數家專販寶石至借進獻或邀官或倍利蠹國病民莫甚于此乞加嚴禁追宗順等倍價入官助賑 上是之置宗順等不問

逐京師遊僧

癸酉再發京糧三十萬石平糶

國權

益官設遷孺木著

成化七年辛卯


正月辛巳陳瑛嗣寧陽侯 陳懋子

左都御史李賓請在京五品以上科道正官各舉一人從之不為例

壬午故留守前衛帶俸都指揮僉事張雄延綏戰沒弟紀襲秩都指揮不世以雄功錄之

丙戌 上南郊

國權 成化七年



夜月犯天罇星

丁亥套 犯邊都指揮白玉戰十字澗都督僉事馬儀戰東園先後擒六人斬三十一級

戊子以延綏邊備廢弛切責鎮守三司召還巡撫左副都御史王銳

懷寧侯孫鐘卒東勝州人世指揮同知正統末平浙寇禦累官右都督天順初迎駕封侯五年誅曹欽得世秩成化初本朝請起偏裨改位大將已巳之變宿將多沒鐘崛起奮戰頗著勞績後削奪門功以鐘功出其上年八十追贈涑國公

謚武敏

辛卯浙江左布政使余子俊為右副都御史巡撫延綏

癸巳太常寺卿兼翰林侍讀學士劉珣憂去

罷南京御史巡營


下南京禮部中呂晟 部主事林孟和獄自宣德來駙馬

都尉趙輝奉祀 孝陵至是母喪推成國公朱儀未得命太

常少卿潘榮劉宣仍主輝晟等奏其不可下禮部尚書鄒幹

等言 孝陵祝文稱孝曾孫嗣皇帝謹選某官若儀暫代則

祝文當改然則輝仍主祭重君命而不顧其私也 上是之



庚申曉刻月犯天江星

故靈山縣西鄉巡檢司歐陽福勤欽州賊死勅贈廣東布政司照磨

辛丑前禮部右侍郎李紹卒紹字克述安福人宣德癸丑進士館選授檢討景泰初進洗馬兼脩撰歷侍郎癸未知貢舉剛直有器局刻志學門博雅好書年六十五方起國子祭酒紹不待矣賜祭葬

癸卯設浙江湯溪縣

定長運法故事民運于徐淮臨清漕卒受粟轉通州天津宣

德甲辰周忱令民運及瓜洲淮安給贍漕卒轉運變為兌運至是巡撫滕昭奏令漕艘抵各都縣取直曰長運民便之廣西流賊寇廣東屯上霜山游擊將軍馮昇等擊敗之斬六百餘級

二月乙巳都督同知歐信為征下前將軍總兵官鎮守遼東

戊申南京國子祭酒周洪謨憂去

己酉命陝西巡撫都御史集議茶馬法


壬子復九江蘇杭鈔關

癸丑昏刻月犯井宿

國權

成化七年

三



乙卯水災免福建連江龍岩去年田租萬五百餘石

丙辰靖遠伯王瑄卒

戊午毛文嗣南寧伯 毛榮子

庚申羽林前衛都指揮使柯忠濟陽衛都指揮使劉能武成

後衛都指揮使高俊為後軍中軍左軍都督僉事陝西都指

揮使神英金吾左衛都指揮使章能山西行都司都指揮使

孫鉞羽林前衛都指揮使奚拜任俱署都督僉事延綏開荒

川功

丙寅傳制封見滋鄭世子規裕靖江王申鑿通江山申鋸南

川王音坡江川王同鈞臨湍王同鈺堵陽王

鎮守松潘前軍都督僉事湛清賄甚逮入京謫廉州衛指揮

晉府寧化王美瓌薨年六十謚僖順宮人高氏崔氏俱自經

殉葬事聞追封夫人


丁卯曉刺月犯羅堰星

行人沈紀閣佐博士吳道宏知縣宋賓為監察御史

戊辰南京右僉都御史張鵬改總督漕運兼巡撫淮揚

故少詹事贈太子少保謚文敏鄒濟加贈太子太保禮部尚

書鄒幹之父



夜大星自軫宿流至近濁

庚午陝西督餉戶部郎中谷琰言客兵久役乞回鎮暫息俟
警復赴從之

夜流星自角宿至庫樓

辛未巡視江西南京大理寺卿夏時正被劾致仕

壬申平下將軍總兵官撫寧侯朱永上戰守二策下嘗數萬
我戰卒僅萬又分戍益少今宜京營宣大寧夏陝西徵兵數
萬期三月會榆林聽臣等指縱相機搗巢此戰策也慎封守
沿邊耕牧有警各入城堡伺便邀擊此守策也兵部白圭主

守上從之

癸酉左春坊左庶子黎淳展祭


三月乙亥設福建歸化縣隸汀州

丁丑昏刻木星退入太微垣犯左執法星

戊寅給靜海興濟青縣麥種

贈工部主事權蕪湖荆杭竹木從尚書之議王復是歲輸部
僅千餘金自後歲數遞增至萬數賈人嗟訴不問

庚辰下寇延綏游擊將軍都指揮僉事張翊叅將王安邀之
于鉄柱泉追敗之都指揮鄭英殿後被殺



壬午先是套下阿羅出遣使扭歹該等十二人拘留大同屢見索朱永言留使無益詔歸之

癸未進士李昊為翰林檢討侍忻王

甲申封後軍左都督劉聚寧晉伯祿千石聚御馬太監永誠姪西征敗于黃草梁被創而轉戰斬獲屢陳其功而祖宗來勲封論前後功官極品始加爵非如百戶進即千戶千戶再進即指揮也自趙輔賂封舊制始壞

乙酉 上復御經筵


丙戌 上復御午朝

北下萬騎分寇懷遠等堡王越朱永遣游擊將軍孫鉞擊斬二十六級下仍駐塞外已寇威武等堡我預設伏拒之下始奔各軍追斬六十級下渡河游擊孫鉞蔡瑄各乘之斬八十級

丁亥遣戶科都給事中邱宏行人韓文使琉球世子尚圓封球琉國王

庚寅昏刺流星自紫微東藩流至近濁夜月犯心星

辛卯禮部左侍郎邢讓國子祭酒陳鑑司業張業俱坐罪除名監舊有椒油錢諸生不時給積為贏貲刑讓允造作輒任



之不立案鑑循焉至是檢討坐教葉時評典簿王允之私署
逮讓等置對凡鈔三十三萬六千餘貫錢百四十九萬餘坐
乾沒疏辨不省蓋翰林學士萬安李泰宿隙因陷之監生盧
楷楊守趾等頌其冤不聽讓詞翰清勅負才氣強忍狹中銳
進取忌鑑辨博有聲好傳無名子詩刺時京師司寇陸三千
之謠陸瑜疑出鑑故重論業厚重深詣于餐錢不一涉時以
為冤

壬辰先寇寧遠總兵歐信令都指揮崔勝邀游擊一人斬
五十餘級

湖廣總督軍務右都御史項忠以保靖土兵及河南等兵刻

期會南陽先招諭流民擊斬渠帥王彪其李胡子敗遁

夜月犯南斗杓

甲子封安遠侯柳承慶卒柳溥子足疾封安慶侯子景嗣


南京翰林學士王僎為南京國子祭酒

乙未總理河通工部左侍郎王恕濬揚州河四百五十餘里

役九萬餘人

丙申襄府寧鄉王祁鏞薨年四十二謚莊憲

戊戌召予告禮部右侍郎李紹先卒



山東左布政雷復為禮部右侍郎脩撰耿裕為國子司業

罕東衛故都指揮阿里巴子倉兒加赤斤蒙古衛故都督瓦

撒塔兒子賞卜塔兒嗣職時舊勅無據已甘肅總兵蔣琬言

阿里巴實都督僉事也遂改授

平卜將軍朱永以下遜乞還京不許止歸各鎮兵仍駐榆林

調遣

庚子太常寺卿孫賢為翰林侍讀學士少詹李泰為詹事兼

侍講學士

壬寅免滁州全椒來安田租千二百三十五石有奇

四月癸卯朔賜巡閱御史勅

甲辰南京守脩成國公朱儀奉祀孝陵

下鎮守延綏太監秦剛巡撫左副都御史王銳于獄總兵官

房能疾免兵科給事中章鑑等劾能不問俱閑住

乙巳故大冶知縣安南黎庸坐贓除名值例復冠帶屢訴因


命給半俸

穎州大風雨雹傷稼

丁未昏刻月犯井宿

壬子淮安知府楊景秩滿吏民乞留加右叅政

國權 成化七年



乙卯免長蘆運司鹽六萬四百六十七引有奇大水滄課

巡撫應天蘇松右副都御史滕昭陳濂巡按御史劉鈞姚明

劉忠叅政杜謙叅議竇珍劉潺等傳允按察使劉鈞

龍晉李巽俱推舉風憲失實奪昭濂俸六月餘一年

雨土霾夜木星入太微垣留守端門

丙辰京師雨黑沙如黑漆

進士盧璣請設起居注下所司

辛酉京師疫命襄城侯李瑾禮部尚書鄒幹署太常寺尚書

李希安祭告山川

癸亥巡撫陝西左副都御史馬文升請榆林築邊牆自安邊

營至鉄鞭川戍守從之

甲子許朱永暫駐朔州

丙寅嘉善知縣林弘貪虐怒縣吏周顯殺其家四人累戚屬


死十八人獄上磔于市

丁卯詔發粟十萬石平糶

襄陽地再震明日復震夜流星自郎將旁行至近濁

旌四川按察使僉事李獻江西按察僉事史權廣平知府熊

懷台州知府阮勤嘉興知府楊繼宗真定同知曾達淮安同




知安鉞東昌同知陳僑杭州同知陳祥九江同知相迪階
知州楊冕臨清知縣薛芳樂平知縣金澤皆給勅誥楊繼宗
以刑部主事成化元年知嘉興不挈家累惟携幼子廉正治
一豪強伏罪而釋之其民改行杜門五年不出後以事偶入
城度治前橋繼宗識之召曰爾今馴矣遺粟入斛勢人子署
縣篆大竄帑金莫敢誰何繼宗收治收金御史行部欲出之
詰失主何人也曰朝廷即失主又詰原告何人曰知原即原
告御史慚而去年踰壯即獨居任九年朝夕飯兩盂蔬兩豆
婦自鄉來閱三日促歸晉江蔡清歎其絕欲為難秩滿引疾

去父老乞留遺一青紗衣留三賢祠

張寧曰漢楊伯起以清白著聞猶有可卻之金承芳治郡
久終始無一足莫宿及門者蘇子卿以死為事史外猶有
餘事承芳抵官以來蕭然獨處齋閣此二者尤非宿昔之
所多見也或謂公別白太明節目太疏言論太激三者非
自全之道此蓋其細者也

支立曰為官莫難于守令為守令莫難于不屈于勢不疚
不利屈于勢則縱惡戕善疚于利則厲正黨邪政事之害
莫有莫于此者公之為政大率以此二者為先宜乎得民



心愛戴之如此也

辛未瓦剌平章拜亦撒哈入貢已哈刺忽思等盜馬先遁

五月乙亥置京城外叢塚

戊寅定陝西布政司收茶易銀布等市河南湖廣茶運赴西
寧等茶馬司檄巡茶官同守備分巡官易番馬

辛巳中書舍人呂憲乞順天鄉試從之不為例

壬午仇加思蘭部長兀沉塔罕來降授浙江金鄉衛副千戶

戊子前戶部尚書張睿卒睿鄆陵人宣德庚戌進士授吏科

給事中歷倉場右侍郎正統己巳移通州餉入城未盡云

至欲火之睿亟令力運焚未晚也幸得全

太僕寺卿張諫卒句容人進士授御史矜特詳雅歷中外官
克舉其職

己丑孫輔嗣懷寧侯孫鐘子

夜月犯牛宿下西星

癸巳太僕寺少卿章燾為寺卿

乙未召守制翰林學士柯潛于家


庚子巡視順天永平河間保定戶部左侍郎原傑還京

安南王黎灝入貢諱攻陷占城弟言占城見侵臣兵追至升

華思義舊境而止答勅戒其啟衅

國權 成化七年

十一



辛丑蜀王申欽薨年二十四謚曰毅

六月戊申許南京右僉都御史高明終養

庚戌王添嗣靖遠伯 王瑞子

壬子鄭王祈鏐薄其妃并惡世子見滋遣駙馬都尉石璟勅諭之王謝罪

癸丑處州礦盜流入建寧

甲寅先戶科給事中上杭邱弘使琉球卒山東道中改兵科給事中官榮往

昏刺木星犯左執法夜流星自雲中行至近濁

乙卯行人李勳孫敬知縣方中潘瑄王濬為監察御史

壬戌周府鎮平王有曠薨年七十二謚恭靖

乙丑太常寺卿孫賢致仕且請立太子不報賢嘗侍 上東

宮欲專國本功故同乞休疏上


丙寅夜大星自危宿流至羽林軍

七月壬申朔代府潞城王遜焯薨年六十五謚僖順

甲戌復徙平夷清平鎮靖堡于舊城

乙亥延綏巡撫余子俊言三邊延慶故內也 高皇帝遣將

斥下黃河外盡延慶無馬迹正統初稍渡殺掠吏士扼于東



西邊不得逞乃悉衆躡延慶間後又獲間導知河套饒水草
畜牧人屯聚不散我延寧列戍置守反于外臣請諸邊界空
處築城以立砦石堡地多高斗崖回形勢下厚剗削稍衍者
累築濬延引相接從之

丙子李羅必及乜加思蘭入貢

丁丑移朱永王越于大同宣府有警西征

戊寅後府都督同知馬儀為甘肅副總兵

庚辰北下使臣平章完者禿等奏乞倉糧不許

陝西妖人李奉先等伏誅

壬午李羅忽等乞還俘獲族屬兵部以多道死無可給或彼
借衅令通事詹昇等省諭之


丁亥江西按察使牟俸為太僕寺卿

庚寅南京刑部左侍郎林鶚憂去

辛卯群臣請立皇太子不允凡三上許之

南京工部右侍郎蕭彛歸省

甲午總督荆襄軍務右都御史項忠鎮守湖廣總兵官右都
督李震共斬盜千級撫脅從二萬八千七百餘人驅流民九
十三萬八千餘人流民或父祖世業不願徙有司乘兵威驅



遂不暇盡其產扶老携幼暍死無算

庚子遼王貴煖薨年七十二謚曰肅

昏刻金木星合井宿

八月癸卯金星晝見

甲辰賑山東浙江水災

丁未左春坊左庶子兼侍講徐溥憂去

戊申哈密兀孫沙嗣都督同知 塞卜兒沙之子

辛亥太僕寺卿張璠卒會稽人由訓導擢御史善事權貴

乙卯盜入西鄉縣

庚申賜陝西巡茶御史勅

申贈官祭葬事例

辛酉免南宮無極稅絹九百五十匹

遣罷行人四川巡茶

丁卯給前南京吏部尚書魏驥月粟三石巡撫御史梁昉言

驥年九十八齒德鮮匹勅行人存問賜羊酒月粟

九月壬申巡按山東御史張進祿潞州孫琦判官馮徽會飲沁


源王邸索女樂又刺時政事聞俱戍邊

辛未大風雨山東及杭湖嘉興紹興海溢滄田宅人畜亡算

國權

成化七年

十四



癸酉潘府沁水王幼璩薨年四十謚安惠

乙亥巡視四川南京戶部右侍郎黃琮乞賜故翰林學士承旨宋濂贈謚立祠祭墓錄子孫章下禮部

丁丑涼州鎮番衛地震聲如雷

己卯太子少傅廣寧侯劉安平安宿遷縣人劉榮子嗣爵正未鎮大同撫輯召募出謁 英宗括金帛犒七先被劾降統

都督同知守備白羊口尋復爵天順初進侯封暉國公追謚忠僖

壬午昏刻金星犯房宿

癸未總督漕運都督同知楊茂致仕

甲子封遼寧慶王同鏞遂平王芝垓 城王芝垠承休王偕

藥高平王豪壺蘄水王

乙酉行人劉簡太常寺博士方輅朱漢進士楊成為南京監察御史

陳選為河南按察司提學副使


丁亥延綏總兵官署都督僉事許寧等言北 開元王把哈孛羅欲來降乞撫慰命擇彼所親厚往

戊子進士李俊陳鯉郭銓王坦祝瀾盧瑀劉昂鄒騏吳傑為

國權

成化七年

十五



給事中騏傑南京

泰寧侯陳涇總督漕運總兵官鎮守淮安

己丑前南京吏部尚書魏驥卒驥字仲房蕭山人永樂貢士

松江訓導進太常寺博士歷吏部郎中太常寺卿恬夷寡慾

年九十八方遣行人張和存問未至臨沒戒子完母乞祭葬

累里人所著松江志水利切要傳謚文靖按實錄明年正月

卒蓋訃聞

丁酉右都御史林聰巡撫大同

戊戌太常寺少卿凌信卒吳江人能書授中書舍人

閏九月甲辰召巡視四川南京戶部右侍郎黃琛還任

乙未朱永王越專恣延綏勦

丙午起復吏部尚書崔恭至京改南京

夜月犯羅堰上星

丁未涼州地震

辛亥設江南靖江縣

壬子吏部尚書秩滿進太子少保


乙卯夜赤星自參宿流至近濁

丙辰夜月犯六諸王星

國權

成化七年

共



戊午昏刺金星犯南斗魁月入井宿

己未工部右侍郎李顯祭浙江海神脩隄岸

辛酉曉刻土星犯天高星

卜三萬餘騎入黑土圪塔官軍討拒擒一人斬二十二級王

越以聞

十月壬申行人范瑛為監察御史

殺吉安知府許聰吉安好訟劫聰特嚴治獄死五十餘人又

偕見提學副使夏寅按察使牟俸嗾寅發其兇虐侵帑事達

南京大理寺卿夏時正考察註貪酷削籍聰不服執下獄事

聞遣勘遂許夏寅夏時正等構陷屢上訴命逮入京廷訊

宜論刑科給事中白昂等請審錄不聽其母覆奏夜斬于市

蓋司禮太監黃高所善吉安僧某嘗被筆辱譖入之

乙亥南京刑部右侍郎王恕改刑部左侍郎總理河道工部


郎中陸鏞郭昇山東按察副使陳善分理

戊寅巡撫大同右都御史林聰改宣府巡撫鄭寧夏去

甲申望夜月星食流星自天倉行至參旗二小星隨之

十千餘騎入延綏木瓜山都指揮同知錢亮等禦之斬回人

丙戌戶部尚書楊鼎工部左侍郎喬毅上濬通惠河議初濬



運總兵官都督楊茂奏歲運張家灣車轉至都下僦費不貲
臣行視通州至京城古有通惠河故道石間猶存水約深二
尺第修閘瀦水今運船二十五艘共作一舟剝運則車費省
而困憊少蘇從之命昂毅同漕運叅將袁祐任之
卜百餘騎入鬼木河署都督僉事神英禦之斬一人
夜月犯井宿


庚寅陝西左布政使婁良為右副都御史巡撫甘肅調右僉
都御史徐廷章巡撫寧夏

癸巳巡撫直隸右副都御史楊濬言順天河間保定真定屢
被水患地勢平行水易瀦積而滹沱河上源隄岍多不葺縱
葺之率皆卑薄故值雨水漲決臣愚以為宜遣官求故道濬
之又築隄岍如衛河則順天以西數郡無水憂從之命濬董
其事

丁酉卜七百餘騎入榆林黑山擊官軍擊走之

十一月己亥朔曉刻星犯昴宿

癸卯南京少詹事孔公恂卒恂曲阜人宣聖五十八代孫景
泰甲戌進士授禮科給事中以李賢薦起少詹事上初政
改大理寺左少卿快不樂仍少詹事言兵被劾被出守漢



陽未赴憂去服除仍少詹事改南京尚氣凌物然不汚屈

甲辰許柯潛終制

兵部右侍郎陳宜憂去

夜大星自天津南行圻濁至昂宿

丙午水災免鳳陽夏稅絲麥

庚戌秦府邵陽王公鐘薨年四十謚恭惠

甲寅立 皇太子祐極頒詔大赦

丙辰大理寺卿王槃先以河南按察使旌異給誥命至是再給同品改京換給自此始

已未荆襄南陽流盜悉平

左都督劉玉卒磁州人太監劉日壽侄從征麓川授副千戶累功至今官有勇力善御士卒每戰皆捷贈固原伯謚毅敏子文錦衣衛指揮使


甲子都督同知孫安卒高郵人大興左衛指揮僉事正統_世已巳以都督僉事守獨石馬營龍門等城荒墟復業有保障大功

丁卯前巡撫延綏右僉都御史徐瑄卒嘉定人正統乙丑進士授御史

國權

成化七年

无



卜入延綏孤山等堡朱永分道累敗之斬三十六級

十二月己巳前軍都督僉事張能卒遷安人世大寧衛指揮使

甲戌彗見天田諭修省

乙亥夜彗北犯右提攝掃太微垣上將及幸區太子從官

丁丑誅荆襄盜李原等二十三人戌三酉人李原新都人即

李胡子

夜彗掃太微垣郎位星

戊寅併廣東石康縣于合浦

庚辰大學士彭時等上言脩德安民之要正心術謹命令親

接見慎賞罰納諫諍厲官守恤軍民 上納之

彗入紫微垣晝見歷犯帝星北斗魁

夜月犯井宿鉞星

辛巳文武大臣科道各言時政闕失


昏刻彗入紫微垣歷犯閣道文昌上台星

壬午望 上避正殿徹樂御奉天門畢往文華殿召輔臣彭

時第入見內臣懼有言乃云 上御初文華情踈母媿 俟

再召詳之及入時等曰天變可畏 上曰已知矣時又曰減

京官俸在文臣可武臣不可 上曰然萬安即頓首謝萬幾



俱退後不復召內臣及日初限不召對此見無奇謀至計止

呼萬歲耳四方聞之因稱萬歲閣老

召還撫寧侯朱永留留王越專督諸路兵

甲申禁官司科罰

乙酉昏刻彗南行犯婁宿

丙戌昏刻彗犯天河

己丑起復工部右侍郎李春改南京工部

昏刻彗犯天陰星

庚寅中旨前召左都御史李寶

巡撫蘇松應天右副都御史滕昭為兵部右侍郎

左春坊左諭德王一夔上五事正宮闈以端治本親大臣以

詢治道開言路以決塞蔽慎刑罰以廣好生謹兵費以足財

用如報國寺工畢崇國寺役興語多切 上付之不問


辛卯庶吉士費閔尹龍喬維翰王臣為編修張泰為檢討張


璠陳斌梁澤陳紀李介徐謙為監察御史

癸巳昏刻彗犯外屏

甲午應天府尹畢亨為右副都御史巡撫應天兼總理糧儲

乙未曉刻金星歷犯牛宿及羅堰星





卜冠亭夏慶陽

昏刻彗犯天困夜流星自大角旁行至七公

國權
 成化八年壬辰
 正月戊戌朔 上御奉天殿星變免賀
 御史張敷等上脩省八事 上納之其減文武官半俸豐年
 復舊不許
 壬寅卜冠大同西路
 夜大星自七公流近濁
 癸卯潘府平遙王幼壘薨年四十二謚惠恭
 國權 成化八年

國權

成化八年壬辰

正月戊戌朔 上御奉天殿星變免賀

御史張敷等上脩省八事 上納之其減文武官半俸豐年

復舊不許

壬寅卜冠大同西路

夜大星自七公流近濁

癸卯潘府平遙王幼壘薨年四十二謚惠恭

國權 成化八年

監官設遷孺木著

卜 兀加思蘭糾幹羅出犯回原寧夏萬騎入安邊營延綏左
叅將都指錢亮追至師婆澗被圍五日都指揮柏隆陳英揮
中流矢死失亡甚衆命王越議方略

乙巳吏部大計罷斥七百五十人

募民納馬大同

丙子撫寧侯朱永還朝仍掌右府事陳西邊諸將罪狀治之

降下入罕海授廣州前衛正千戶

夜彗行奎宿外屏星漸微

丁未 上南郊

戊申提督團營大監裴撫寧侯朱永定襄伯郭登閱各營兵

夜月犯軒轅

己酉工部言惠通河已發卒九百人因災異罷諸役而脩河

一事宜取旨量役四萬人先濬城濠總兵官趙輔郭登領命

之太監黃順工部尚書王復監督責

乙卯辰刻金星晝見耀日

定西侯蔣琬協守南京東寧伯焦壽總兵鎮守甘肅右都督


馮宗總兵鎮守永平山海

巡撫延綏右副都御史余子俊以套下馬弱請暫休兵有警

國權

成化八年

二



調赴從之

丁巳大星自紫微西藩流至近濁

戊午報廣西搖賊黃公剛等劫賓州

己未夜月犯天江星

督運平江伯陳銳言運河區畫分責通州至德州責郎中陸

鏞德州至濟寧責副使陳善沛縣至儀真責郎中郭呆從之

庚申江西左布政使夏埏為右副都御史巡撫四川埏介直

所至鋤強植弱

順天府丞彭信為應天府尹

起復太常寺少卿孫廣安以科道言之仍令終制

癸亥曉刻月犯金星

皇太子祐極薨謚悼恭

二月戊辰朔夜流星自天津行至匏瓜

壬申都督僉事協名協守陝西

癸酉禮部左侍郎兼翰林院學士萬安司經局洗馬江朝宗

主禮闈


丙子戶部左侍郎陳俊總督陝西軍餉吏部右侍郎葉盛往

延綏議兵事

國權

成化八年

三



丁丑知縣易居仁唐素為南京監察御史

壬午禮部右侍郎雷復改右副都御史巡撫陝西起復右副

都御史陳濂巡撫河南

甲申曉刻金星犯壘壁陣東第五星

乙酉兵部尚書白圭請明年二月大舉搜套 上是之

丙戌會寧守備都指揮僉事董縉前拒 猪肝至北山方陣

忽二下渡河通問我師遂亂 畢渡殺傷我甚眾下縉獄

勅南京右都副御史羅篔巡視操江

榜禁妖書

丁亥命薊遼宣大甘肅總兵脩城堡邊垣壘塹

戊子琉球世子尚圓入貢

辛卯忻王見治薨王性孝友年十五謚曰穆

癸巳魯府安邱王泰圻薨年六十二謚靖恭


丙申旌岳州知府吳節延平知府盛顯金華知李府嗣瑞州

知府史宗禮平陽知府吳睿通判李呆永平知府王璽宿州

知州劉槩歷城知縣沈瑀商水知縣羅楫廣平知縣何宗靈

壽知縣冀能饒陽知縣張翰藍山知縣武震滿城知縣劉翥

新河知縣蕭智安平知縣王瑾景州判官王佐潞城知縣杜



彪俱給勅誥

三月丁酉朔行人柳淳樊瑩熊綉黃鍾知賢劉必賢毛驥貞推
官章顥為監察御史貞顥南京

戊戌卜退延綏客兵仍還鎮

庚子臨清德州晝晦黑氣自西北移時方散


丙午悼恭太子葬金山

辛亥廷策貢士吳寬等二百五十人賜吳寬劉震李仁等進

士及第出身有

命團營兵每季上其籍

前南京兵部尚書蕭維禎辛維禎廬陵人宣德庚戌進士授
刑部主事慮囚畿內多平反歷郎中大理寺丞從土木脫歸
進少卿累拜右都御史天順初調南京歷刑部尚書強敏有
才幹讀書通大略得憲體留樞鎮靜俱時所積稱年六十
賜祭塋謚文昭
癸丑南京大風雨拔孝陵木
乙卯吏部右侍郎葉盛上言禦寇自守為本攻戰次之上西
入之路自寧塞入保安抵鄜州自安邊定邊入環慶自寧夏
花馬池興武營經鹽池高橋萌城入固原自固原分路二東



自黑水口入開城鎮原平涼西自海刺都入會寧靖寧沿邊
少不能禦今秋調甘涼莊浪蘭縣之分兵守安定會寧靖
寧俱臨鞏要地每留二千騎守之環慶當其衝益千騎共五
千人守之餘暫屯固原平涼俟_下固原平涼水草便利可放
牧九月初方給芻豈保安去榆林不遠可調軍設伏_下擁衆
來侵堅壁清野勿與戰俟其返伏兵邀擊使彼大衄若知我
備仍近邊屯駐則我分數道裹糧夜進彼懸孳畜勢不敢敵
將必成擒萬一匿套內不渡則選死士迫其營放礮或佯搜
或詐劫營彼必心恐渡河而去勦_下方略似不出此_{兵部}

丙辰命進士仍次第觀政諸部院寺司禮科給事中黃麟言
頃年進士理刑多在刑部大理寺非故事_{上從之}


丁巳許張元吉子玄慶襲封真人

壬戌庶吉士林瀚為編脩

知縣嚴萱王瓚郭經簡嘉誥任英為南史監察御史
前兵部右侍郎陳宜卒泰和人正統壬戌進士授工科給事
中歷應天府丞雲南左布政使撫貴州平大壩蠻

丙寅寧晉伯劉聚乞故御馬監太監劉永誠謚祠賜祠褒忠

閣部以謚非所有乃止



四月己巳增築大同邊堡

癸酉京中旱大風漕河涸遣官分道祭告

湖廣按察使張剛為右僉都御史

乙亥南京兵部右侍郎馬顯准揚都御史張鵬專漕事

丙子始雷

丁丑費淮嗣崇信伯費釗子

南京右副都御史羅篔致仕

己卯封申鑿蜀王濠堧豐林王仕羸宣寧王竒渾臨泉王鍾

鋌方山王同銓汝陽王榮澹永安王

庚辰夜月犯房宿

辛巳夜月食

癸未召還吏部右侍郎葉盛歸朝上言延綏沙深水淺難以任牧春遲霜早不可耕種搜河套復東勝此皆事勢所難惟增兵守險可為遠圖從之

陳建曰秦蒙恬逐匈奴取河南地漢武帝用主父偃策言

河南地肥饒外阻長河立朔方郡固河為固後赫連勃勃李


繼遷皆據此地雄于北方元昊繼之遂稱夏帝據河南之

州九皆在今套中宋史稱其地饒五穀尤宜稻麥菽園雜

國權

成化八年

七




記謂近時關中大飢流其中求活者甚衆踰年才復民入
業九邊圖論亦謂彼時少過河軍士得耕牧套內益以
樵牧圍獵之利地方富庶稱雄鎮焉此皆鑿名論也葉
文莊乃謂不可往牧耕種何耶况中國守邊皆營屯在內
而拒之于其外今河套花馬池一帶則反入吾之內而
吾寧夏之屯守反在其外馬不亦危乎嗚呼唐張仁愿猶
能築三受降城于河北以絕南寇路而我朝乃不能回
河為固等河南而使入據為巢穴以為關陝無窮之害
我朝將帥有媿前代矣

詹事府詹事李泰母喪以復伯父司禮太監永昌遂假葬三
月還任

諭法司遣官錄囚其兩京命司禮太監黃高南京司禮監左
少監宋文毅

丙戌兵科給事中梁璟等劾項忠驅逐流民慘于夷如房
縣編戶雖四里永樂後僑增至四十餘里今十不存一他縣
類此乞正其濫殺之罪上不聽

丁亥刑部郎中劉秩金文伍希淵周昂馮俊劉恕負外郎武
清徐演許盛周重大理寺正劉瀚王軾寺副王進魏政分



往畿省錄囚各賜勅


宣府龍門守禦千戶所火燬積芻

壬辰召還寧夏總兵脩武伯沈煜都督同知范瑾為征西將軍總兵官鎮守寧夏

癸巳兵部尚書白圭言右副都御史項忠荆襄報冊名數牴牾先云擒五萬九千四萬十七人編戶隨住五萬九千三十五人俘拘三百八十二人斬一千三百九十人今冊擒五千二百十六人斬百九十人捷奏內增級千四百四十一人都御史馮璿報潼關南陽等官兵擒斬賊魁王彪楊俊王洪等

九十餘人今冊載內縣鄉民兵馬雲生擒一人百戶孫廣生擒三人張海王海等初非原俘致廣等有言且陣亡十八人被創十五人賊果聚鬥則損傷不止至此又陣亡豈多于被創耶請下巡按河南陝西湖廣御史覈實論功賞 上諭第如所報單功第不必覈遂進項在都御史餘陞賞有差 乙未光祿寺卿劉璉調遼東苑馬寺少卿陳鉞王儼調吉安處州同知初鉞請減浮費責其獨奏皆引罪也已互訐俱下獄謫外

丙申定襄伯郭登卒登字元登武定侯英孫選勳衛從征麓



川授錦衣衛指揮僉事後薦進署都指揮僉事已巳超都督
僉事同廣寧伯劉安守大同尋鎮守景泰初進右都督有沙
窩之捷封伯天順初被劾降都督僉事 上即位復爵出鎮
甘肅掌中府提督團營博聞強記善議論料敵制勝諳國
家典故能詩工書繪勲武選鮮其倫云追封定襄侯謚忠武
賜祭葬


袁襄曰郭定襄以敗卒守孤城氣吞強下竟立封侯之業
觀其閉門不出與城存亡募兵入援敵王所愾有國士之
風矣其所論建雖文士不如也豈獨武臣哉

五月戊戌山西布政司左叅議周駿為光祿事卿
總督漕運左僉都御史張鵬請僧道空牒一萬鬻粟賑飢
上濫之不許

辛丑巡撫順天楊璿兼理山海居庸等關
癸卯左春坊左諭德王一夔復謝姓

甲辰復陳鉞光祿寺少卿
戊申免陝西山西河南夏稅及柴價十之二

庚戌令故官三品子孫當廢者入本學貢部入監
巡撫大同宣官右都御史林聰致仕



辛亥停山西市馬

壬子起復左僉都御史鄭寧巡撫宣府山東左布政使殷謙
為右副都御史巡撫大同

癸丑武靖侯趙輔為平 將軍總兵官統制諸路兵馬同總
督右都御史王越赴延綏討亂加思蘭

總督兩廣軍務右都御史韓雍奏忻城八寨洞蠻掠賓州右
叅將都指揮張壽等擊五百六十一級游擊將軍馮昇等斬

擊山巢猺獞斬四百七十一級
丙辰浙江四川左布政使劉福胡拱辰為右副都御史福總

督南京糧儲拱辰南京都察院

丁巳占城國遣使臣樂沙來告急云安南索犀象寶貨去年
二月破國擄國王槃羅茶全今槃羅茶悅攝國 上命待安

南使至勅還之

戊午進項忠左都御史左都督御史劉潔浙江按察副
使檢討張寬雲南僉事餘陞賞


庚申賜延綏東路右叅將署都督僉事神英綵幣時西師無
功獨英斬六級

命廣西布政司檄安南國以侵上下凍州龍州地義諭之母

國權

成化八年

上



越界且勘定其界

壬戌廣西左布政司黃鎬為右副都御史總督南京糧儲
屢從花馬池入興武營

六月己巳增慶陽延安通判專理邊儲

詔雲南銀課止視舊煎辦

庚午曉刻金星入井

壬申知縣段正為御史

乙亥庶吉士張晟為禮科給事中王錦方珪謝顯為御史

丁丑前右都御史李實赴召被劾道止之


乙酉右都御史項忠被劾疏辨荆襄濫殺乞休不允

設遷曰流民非盡為寇多陷賊不自振耳項襄毅兵驅之
予鋌所及踣道路困圍奪所在皆有雖未盡誣而百五十
餘萬之遺黎詎盡鬼錄為也天道神明人不可獨殺項氏
世澤未艾纒纒接組豈濫殺之報爽乎哉

丙戌京衛武學國子監丞閻禹錫為御史提督北直隸學校

丁亥遣工科給事中陳峻行人李珊封槃羅茶悅占城國王
辛卯大同游擊將軍都指揮使侯謙為後軍都督僉事

甲午禮部主客司員外郎曹隆主事康玠王宗下臺獄 中



宮千秋節奏殿下誤書殿中

七月庚子都昌王祁鑑求徙建昌舊邸不允

丙午龍州大雨雹厚至四尺三四寸長七八寸或大如牛

隆善寺成傳陞工匠三十人文思院副使尚寶司少卿任道
遜司丞程洛書碑進道遜司卿洛少卿工科都給事中王詔
等言其濫寺碑如此彼西征北伐捐軀隕命者將何以勸酬
之哉乞追寢前命不聽

庚戌大學士彭時等言皇莊之害近故太監劉永誠獻亦欲
立莊深駭人情宜還民間畿內多湖澤魚蝦螺蚌芡藕蘆葦

莫非自然之利今民缺食當不分官私聽其採取寄牧徵駒
亦有定期但土狹民艱遣官易擾去冬詔馬四匹買其一然
有司追併迄今歲暫停折買馬匹 上納之劉永誠由朕自
處分


壬子徽王冠


癸丑浙直大風雨江海暴溢壞郊壇陵廟溺二萬八千四百
七十餘人因築海塘自海鹽至上海築三萬四千七百六十
九丈上海至華亭及嘉定界築一萬七千七百四十八丈廣
二丈趾倍之高丈七尺

國權

成化八年

十三





丙辰延綏參將都指揮岳嵩出至定邊營大沙頭襲卜敗之

鎮守兩廣平江伯陳銳總督漕運總兵官鎮守淮安

卜屯陝西近塞輕騎掠花馬池靈州

戊午廣西鎮安土知府岑永壽從子宗紹糾黨破府城都指揮岑瑛擒斬之

庚申平鄉伯陳政為平蠻將軍總兵官鎮守兩廣

壬戌寧夏地震

癸亥泰寧侯陳涇卒

八月乙丑朔卜寇宣府

戊辰裁漕運理刑主事

庚午戶部左侍郎原傑憂去

辛未庶吉士尹仁吳祚為監察御史

壬申巡撫淮揚右副都御史陳濂巡撫京畿兼理永平山海

邊務徒右副都御史楊璿巡撫河南

丁丑兵科給事中郭鏜赴延綏訪延綏事宜

戊寅吏部左侍郎尹旻往督運船

辛巳寧夏地震

癸未都督同知趙勝為鎮朔將軍總兵官亟赴宣府擊卜時

國權

成化八年

十四

卜寇宣府總兵官顏彪疾不任戰

乙酉陝西榆林城地震

庚寅進士黃璉鄭宏李鸞臧瓊為南京給事中

壬辰石城知縣陳綱有善政且能捕盜韓薦雍授高州通判
撫治夷民

癸巳旌長沙知縣錢霽常德知府楊宣建昌知府謝士元隆

慶知州李鼎靖州知州蔣騏温州通判余鼎保定推官鄭傑

長沙知縣艾永旻甌寧知縣喬銘俱給勅誥

脩淮安抵儀真隄岸

卜寇遼東桃核嶺分道入懿路備禦都指揮僉事佟昱以五

百人戰猪兒山斬一級我軍多傷

卜犯靈州守備署都指揮同知盧茂拒之歡喜嶺敗之字羅

引阿里狹子阿拉入河套

九月戊戌占城入貢

己亥安南入貢

壬寅雲都縣學生何京上禦卜車制衡三尺展可六尺五十

輛為隊用卒三百七十五人車輕疾一人可挽垂鉄網前列

刃拒馬發槍弩命赴延綏行營

國權 成化八年

五

